

DIETRICH UND WENEZLAN

273

er rief vil lûte unde sprach
'owê der herzen swære!
430 wie nu, her Bernære?
war ist iur starkiu kraft hin komen?
wirt iu diu were hiute benomen 341
daz ir verlieset den sic,
daz ist der leidiste blic
435 der mir ie an iu geschach:
ouch gêt iu diu hœne immer nâch.
gedenket an die widervart,
stêt vaste als ein stanthart.
werft den schilt ûf daz lant,
440 nemt daz swert in bêde hant.
gedenket, edel Dietrich,
daz erbelôs wirt Rœmischrich.
wert ir sigelôs, kûnee hêr,
so genennet man iuch nimmer mêr
445 Dietrichen von Berne:
dâ von wert ir iuch gerne.
* 4 *rw. a*
swie ir iu an gesigen lât,
sô si wir endeclichen tût.
450 nu überheft uns herzenlicher nôt:
gedenket an des lewen kraft,
wier sich wert, sô er ist nôthaft:
al daz selbe tuot ouch ir.
wert iuch, mærer helt zier,
455 und tribet in her widere.
daz manen half in sidere,
den starken Dieterichen:
daz swert vil manlichen
er ze bêden handen nam.
460 dô sluoc er ûf den Bôlân
die starken slege âne zal:
er treip in wider über daz wal.
daz selbe geverte wider dan

wichende gie der Bôlân.
465 er treip in ûf den rinc wider
bêdiu ûf unde nider
zwischen den heren her unt dar.
ir gesâht nie keinen man sô gar
verzagen in keines strites vart.
470 hurtâ, wie dâ gevohten wart
vor der kûneginne gezelt!
von slegen wart ir beider gelt
alsô grimmeclich getân: 342
der sweiz in durch die ringe ran.
475 doch ze jungest und ze leste
von Berne der nôtveste
den Bôlân triben began
vaste durch der Riuzen her dan.
* 4 *rw. b*
480 *
des heres unz an daz ende.
diu rede ist unwende.
Er was im erbolgen genuoc,
anderthalben ern her wider sluoc
485 durch daz her ein ander gazzen.
er begunde in vûr vazzen
mit slegen alsô sêre
daz dem Bôlân hêre
in sinen tagen nie sô wê geschach:
490 wider den Bernære er des jach.
sus treip er in wider dan
ab hin ûf jenen plân
dâ si zesamne wâren komen:
dâ gwinnet einer schaden, der ander
vromen.
495 der strit dô vaste gie entwer
zwischen in hin unde her:
ez was ouch ietweders schilt
mit slegen gar hin gezilt.

431 iwer 447 *etwa* ouch wirt unser niemer rât: 452 nôthaft 464 gie vaste
465 widere 466 bede nidere 467 und 468 nideheinen 469 indeheines 476 nôtveste
483 erbolgen bazlich genavch 484 er in 489 sinem 492 blan 494 gwinnet der and 495 da
Heldenbuch V. 18